


# L'ESSOR FASO KUMAKAN

SIBIRIDON, UTI KALO TILE 17, SAN 1985



## Peresidan ka nyögonye

Dinyè jamanaw bée lajèlen ka kénayajé-kulu, "OMS" sèbenakow nyènabòbaga, Matiya MUYAMANA, bisimilara, Alamisa, san 1985. Uti kalo tile 8 don, Pariti "UDPM" sekeretèri zenerali ni Mali jamana fangaso kuntigi, Zenerali Musa TARAWELE fè.

A nyögonyè béra Mali ni "OMS" cèkow de kan, jekawale kada kónó ani Mali bée barika kérènkè-rènnen min kan, k'a don "OMS" haminankow la. O siratigè la, a jirala ko Mali bée "OMS" ka laadiliwanw bée b'u sira fè, kénayako ani saniyako hukumu kónó; k'o ye

wale ye, min y'a jekulu in nyémogow nisondiya kosebè.

Nyögonyè in kéra Mali kénayakow ni hadamadenyakow ministri, Porofesèri Mamadu DANBELE nyèna ani Mali jamana fangaso sekeretèri zenerali dankan, n'o ye Mamadu FOFANA ye.

## Itali ka dème

Mali jamana nyémogow tun ye wele min bila kókan dèmeeko la walasa ka jakóngóko baaraw nögoya, o jaabi dō bora Itali jamana la, min jun ye layidu ta, a ka lasigidenso sira kan k'a bëna Mali dème.

O layidu timeli wale kéra, ntèmèn, san 1985 zuluye kalo tile 29 don, min sen fè, Itali awiyón dō nana ni kabakisè tóni 24.000 ye, ka bô Dakaru kókjidankana.

Itali lasigiden y'a jira Mali kónokow ministri Abudaramani MAYIGA la, min nyèsinnen bë ja-

kóngotow dème li walew ma, k'a ka jama-na bëna farajé jama-naw ka nafasoró jekulu "CEE" ka balo dilenw bée doni, ka bô Dakaru, k'u bée lase Bamakó.

O layidu tali n'a timeli ye wasako ye, min sira kan, Mali jamana tògò la foroba baarakèkow ministri Modibo KEYITA, min tun bë kókankow ministri nô la, o ye medayi di Itali jamana lasigiden Kilo-diyo MORENO ma, k'a d'a ka cèsiri kan, layidu in bôli l'a sira fè an'ale yère ka lasigidenya baara banni la, Mali kónó.



## jagokèla dòw bë ka yélèma don kow la

O ye wale ye, min bë gèlèya fara gèlèya kan, k'a d'a kan, Mali n'a nyögonna jamana minnu sègènnèn bë sanjidesè n'a masibaw fè, i ko jakóngó ni nafoloko gèlèya, clu tèrèlen bë cogo bée la sisàn.


Ni jagokèla minnu sònna ka dòfar'a ka feerefènw sòngow kan, nafolo nyiniko jugu n'a sòróko jugu sira kan, clu ka kan, ka nô minè, i ko jamanadew juguw bë nominè cogo min na, bawo, hiinè kisè kelen t'u dusukun na.

O de siratigè la, dòfarakan in kuma fô don, Mali nafolokow ni jagokow ministri, Janka Kaba JAKITE, o tilalen kô yélèma in sababuw nyefoli la, o da ser'a yérè ma, k'a jira ko Gofèrenama bë ka fèerèw tigè, jagokèla kofolèn ninnu nyangili kama.

Mali jamana fangaso bë fèn min nyini, jamana dew ye, o ye nögoya dörén de ye, i ko nafoloko nögoya, minènko nögoya, magonyefènko nögoya n'u nyögonnaw. Nka, o nögoya yère basigili dalen bë dinyè bée lajèlen cèkow nögoyali de kan.

Jekawale siratigè la, ni gèlèya min jutigèra setigi jamanaw kónó, o gèlèya kelen góngon bë se dèssèbagatò jamanaw ma. O la, ni jamana min sòrófènw ka dògò, wali n'a tè minnu yèrèw belo, clu ka sègèn n'u ka tèrè barika bë bonya kosebè.

Tuma min, n'a bë fè, k'an ka kow nögoya nyögón belo, o tuma man kan ka kë dòw ka yurugu yurugu walew jutigèkun ye. Minnu b'o sira juguw kan, clu man kan ni sutura ye.




MINISIRI JANKA KABA  
JAKITE

Kabini dòfarala esansi ani petòrlì n'u nyögennaw sòngow kan, san 1985. Uti kale tile 2 don, jagokèla dòw binn'u ka feerefèn dòw sòngow fana yélèmali la, ka sòré Gofèrenama ni Mali jagokèlaw ka jekulu ma foyi f'clu kan.



AMADOU DAWUDA JALO



MOSUKU XII  
SAN 1985

K'a ta san 1985 zuluye kale:tile 27 don na, k'a bil'a Utikalo tile 3 don na, dinyè denmisènw ni lakòlidew ka fèsitiwali 12 nan gintonw kèra Mòsuku, "URSS" jamana faamadugu kònò.

A jirala ko jama-kulu kefòlen minnu ka cidenw minnu yera fèsitiwali 12 nan inkènè kan, k'olu jate minèra, k'u kè mögô 25.000 ye, minnu bérara jamana 157 kònò, k'u kunda Mòsuku kan

Min ye Mali jama-na ye, o cidenw bée lajelen tun ye mögô 100 ye, minnu nyémögô kèra Amadou Dawuda JALO ye, n'o ye Mali funankèninw ka jama-kuluton "UNJM" sekretèri zeneralí ye, n'o jèkulu tògô la, a bë pariti "UDPM"

## dinyè denmisènw ni lakòlidew ka fèsitiwali 12 nan

### kuncèra Mòsuku

kow latèmèjèkulu, "BEC" la.

Wale fèn o fèn bë denmisènya ni lakòlidew sinsi, k'u lawèrè ani k'u jiidi olu bée kelen kelen latèmèbaga nyumanw de sugandira Mòsuku fèsitiwali 12 nan inkunbèn kòròtali kòson.

O siratigè la, farikolokènèya wale caman belofara mögôw taara Mòsuku ani ti-

yatiribòlaw, i ko kòtèbakow ani dònki-lidakow ni dònklakow mögô faamuyalenw ni nansaraburufiyè-law ni bololabaarala suguya caman.

O nyènajèkuluw n'u nyögönnaw kèrè fè, cidenw wèrè tun bë Mali ka jamakulu la, minnu taara Mòsuku, ka Mali denmisènw n'a lakòlidew miirinataw jira, nyögonyekènèw ni jama-lajekènèw kan, n'olu

labènna kalankow, nyininikow, teriyakow, jèkawalekow ani hérèkow ni lafiyakow kan, dinyè bée kònò.

A jirala ko "URSS" jamana parti "PCUS" sanfèbolo sekeretèri zeneralí, Mikayèli GORIBACEWU ka kuma bor'o walew de kan, fèsitiwali 12 nan in dayèlè don, k'a d'a kan, o y'a fò ko kunbèn in ye kelenya kènè de ye, walasa

ka teriya ni hérè basigi dinyè jamanaw bée lajelen ni nyögón cè.

Mali jamana cidenw seginnen kò, Amadou Dawuda JALO y'a yèrè n'a ka mögôw bée lajelen ka wasa n'u ka nisondiya jira, sira bée kan. A k'u kumbènna, k'u bisimila, k'u ladon, k'u bonya, k'u karama, k'u layaaala kosèbè jamana kònò, fèsitiwali bannen kò.

A y'a jira ko jèkawale hukumu kònò, u sera ka nyögönsirataama wale caman latigh Mali ni "URSS" ani yòrò wèrè caman denmisènkuluw ni nyögón cè; k'o kada-ra kònò, a bë se ka fò, ko Mali taakun tun bë Mòsuku.

